

গণপ্রজাতন্ত্রী বাংলাদেশ সরকার  
তথ্য অধিদফতর  
বাংলাদেশ সচিবালয়  
ঢাকা

সংবাদ গতিধারা

জাতীয় দৈনিকসমূহে প্রকাশিত সম্পাদকীয়'র সারসংক্ষেপ গুরুত্বপূর্ণ নিবন্ধ ও ফিচারের সংক্ষিপ্তসার

সংখ্যা : ৩৯/২০১৭

ঢাকা, রোববার ২২ ফেব্রুয়ারি ২০১৭, ১০ ফাল্গুন ১৪২৩

আজকের দৈনিক পত্রিকাগুলো নিম্নলিখিত বিষয়গুলোকে প্রাধান্য দিয়ে খবর ছেপেছে :

- ১। ভাষা শহীদদের স্মরণে গৌরবের শহীদ মিনারে জাতির বিনম্র শ্রদ্ধা
- ২। বাংলা বানান ও উচ্চারণ নিয়ে সতর্ক থাকতে হবে : প্রধানমন্ত্রী
- ৩। সংবিধান অনুযায়ী আগামী জাতীয় নির্বাচন : স্বাস্থ্যমন্ত্রী
- ৪। বাংলাকে জাতিসংঘের দাপ্তরিক ভাষা করার দাবি সড়ক পরিবহণ ও সেতুমন্ত্রীর
- ৫। ধর্মের কারণে আমাদের মাঝে বিভক্তি নয়  
: প্রধানমন্ত্রীর তথ্য ও যোগাযোগ প্রযুক্তি বিষয়ক উপদেষ্টা
- ৬। বাংলায় রায় দিতে প্রযুক্তি খুঁজছেন প্রধান বিচারপতি
- ৭। সীমান্তে হত্যায় উদ্বেগ বিজিবি : ঢাকায় বিজিবি-বিএসএফ মহাপরিচালক পর্যায়ের বৈঠক সমাপ্ত।
- ৮। কক্সবাজারে রোহিঙ্গা ক্যাম্প পরিদর্শনে জাতিসংঘের বিশেষ দূত
- ৯। বেনাপোল নোম্যানসল্যাণ্ডে দুই বাংলার হাজারো ভাষাপ্রেমীর মিলনমেলা
- ১০। চামড়াজাত পণ্যের রপ্তানি বাড়ছে : সাতমাসে প্রবৃদ্ধি ১২ দশমিক ১৮ শতাংশ

১। **ভাষা শহীদদের স্মরণে গৌরবের শহীদ মিনারে জাতির বিন্দু শ্রদ্ধা**

ভাষার জন্য যারা দিয়েছেন প্রাণ, যাদের বুকের তাজা রক্ত রাঙিয়েছিল রাজপথ, সেই সব ভাষা শহীদকে গতকাল ২১ ফেব্রুয়ারি মঙ্গলবার বিন্দু শ্রদ্ধায় স্মরণ করেছে জাতি। যথাযোগ্য মর্যাদায় পালন করেছে মহান শহীদ ও আন্তর্জাতিক মাতৃভাষা দিবস। একুশের প্রথম প্রহরে রাষ্ট্রপতি মো. আবদুল হামিদ ও প্রধানমন্ত্রী শেখ হাসিনা ফুল দিয়ে শ্রদ্ধা জানান কেন্দ্রীয় শহীদ মিনারে। বাংলাদেশের মতো বিভিন্ন দেশেও দিবসটি পালন করা হয়েছে যথাযোগ্য মর্যাদায় ভাষা শহীদদের প্রতি তারাও জানিয়েছেন শ্রদ্ধাঞ্জলি। সূত্র-যুগান্তর (পৃ.১,ক.১), প্রথম আলো (পৃ.১,ক.৫), ইন্ডিপেনডেন্ট (পৃ.১,ক.৪), ডেইলি সান (পৃ.১,ক.১)।

২। **বাংলা বানান ও উচ্চারণ নিয়ে সতর্ক থাকতে হবে : প্রধানমন্ত্রী**

প্রধানমন্ত্রী শেখ হাসিনা মাতৃভাষার মর্যাদা রক্ষা করার আহবান জানিয়ে বলেছেন, বাংলা ভাষার সঠিক ব্যবহার ও উচ্চারণে দেশের নতুন প্রজন্মকে আরো সতর্ক থাকতে হবে। জ্ঞানার্জন ও প্রযুক্তি শিক্ষার জন্য অন্য ভাষাও শিখতে হবে, তবে তা কোনোভাবেই মাতৃভাষাকে ভুলে নয়। মাতৃভাষার জন্য রক্ত দেওয়া বা জীবন উৎসর্গ করার দৃষ্টান্ত পৃথিবীতে কম দেশই দিতে পেরেছে। তাই মাতৃভাষার মর্যাদা আমাদের রক্ষা করতে হবে। আর নিজের মাতৃভাষায় কথা ও শিক্ষা গ্রহণ হৃদয়ে সবচেয়ে বেশি প্রোথিত হয়। গতকাল ২১ ফেব্রুয়ারি মঙ্গলবার রাজধানীর সেগুন বাগিচাস্থ আন্তর্জাতিক মাতৃভাষা ইনস্টিটিউটে মহান শহীদ দিবস ও আন্তর্জাতিক মাতৃভাষা দিবস উপলক্ষে আয়োজিত আলোচনা সভায় প্রধান অতিথির বক্তব্যে তিনি এ কথা বলেন। সূত্র-ইত্তেফাক (পৃ.১,ক.৭), জনকণ্ঠ (পৃ.১,ক.৬), ইন্ডিপেনডেন্ট (শেষ পৃ.,ক.২), এশিয়ান এজ (পৃ.১,ক.৭)। ইত্তেফাক, জনকণ্ঠ, সমকাল, ইনকিলাব, এশিয়ান এজ, অবজারভার, ডেইলি সানসহ অধিকাংশ পত্রিকা এ বিষয়ে ছবিসহ খবর ছেপেছে।

৩। **সংবিধান অনুযায়ী আগামী জাতীয় নির্বাচন : স্বাস্থ্যমন্ত্রী**

নির্বাচনকালীন সরকার নিয়ে বিএনপির বক্তব্য অযৌক্তিক উল্লেখ করে স্বাস্থ্যমন্ত্রী মোহাম্মদ নাসিম বলেছেন, রাজনৈতিক বিভ্রান্তি সৃষ্টির জন্য বিএনপি এ দাবি করেছে। এর কোনো ভিত্তি নেই। সংসদীয় গণতন্ত্রের দেশে সংবিধান অনুযায়ী নির্বাচন হবে। এর বিকল্প নেই। গতকাল ২১ ফেব্রুয়ারি মঙ্গলবার সিরাজগঞ্জের কাজীপুর শহীদ মিনারে ভাষা শহীদদের প্রতি শ্রদ্ধা জানানোর পর তিনি এ কথা বলেন। সূত্র-সমকাল (পৃ.২,ক.১), ইত্তেফাক (শেষ পৃ.,ক.৫)।

৪। **বাংলাকে জাতিসংঘের দাপ্তরিক ভাষা করার দাবি সড়ক পরিবহণ ও সেতুমন্ত্রীর**

বাংলাকে জাতিসংঘের দাপ্তরিক ভাষা করার দাবি জানিয়েছেন সড়ক পরিবহণ ও সেতুমন্ত্রী ওবায়দুল কাদের। গতকাল ২১ ফেব্রুয়ারি মঙ্গলবার অমর একুশে ও আন্তর্জাতিক মাতৃভাষা দিবস উপলক্ষে রাজধানীর কেন্দ্রীয় শহীদ মিনারে ভাষা শহীদদের প্রতি শ্রদ্ধা নিবেদনের পর তিনি এ দাবি জানান। মন্ত্রী বলেন, বিশ্বে ৩২ কোটি মানুষ বাংলা ভাষায় কথা বলে। এখন বাংলা ভাষা জাতিসংঘের দাপ্তরিক ভাষা হওয়া সময়ের দাবি। জাতিসংঘের কাছে বাংলা ভাষাকে দাপ্তরিক ভাষা করার দাবি তুলে ধরা আমাদের অঙ্গীকার হওয়া উচিত। সূত্র-সংবাদ (শেষ পৃ.,ক.৫), ইত্তেফাক (পৃ.১,ক.১), ইনকিলাব (পৃ.১,ক.২), ইন্ডিপেনডেন্ট (শেষ পৃ.,ক.৪)।

৫। **ধর্মের কারণে আমাদের মাঝে বিভক্তি নয় : প্রধানমন্ত্রীর তথ্য ও যোগাযোগ প্রযুক্তি বিষয়ক উপদেষ্টা**

প্রধানমন্ত্রীর তথ্য ও যোগাযোগ প্রযুক্তি বিষয়ক উপদেষ্টা সজীব ওয়াজেদ জয় বলেছেন, প্রথমে এবং সর্বাত্মে আমরা হলাম বাঙালি। মুসলমান, হিন্দু, বৌদ্ধ, খ্রিষ্টান, অনিশ্চরবাদী সবাই বাঙালি। ধর্মের কারণে আমাদের মাঝে বিভক্তি আসতে দেওয়া যায় না। গতকাল ২১ ফেব্রুয়ারি মঙ্গলবার আন্তর্জাতিক মাতৃভাষা দিবস উপলক্ষে সামাজিক যোগাযোগ মাধ্যম ফেসবুকে ভাষা শহীদদের আত্মত্যাগ স্মরণ করে তিনি এ কথা বলেন। সূত্র-ইত্তেফাক (শেষ পৃ.,ক.১), এশিয়ান এজ এবিসয়ে লিড নিউজ ছেপেছে।

৬। **বাংলায় রায় দিতে প্রযুক্তি খুঁজছেন প্রধান বিচারপতি**

বাংলা ভাষায় রায় দেওয়ার ক্ষেত্রে প্রযুক্তির সহায়তা নেওয়ার বিষয়টি উল্লেখ করেছেন প্রধান বিচারপতি সুরেন্দ্র কুমার সিনহা। তিনি বলেছেন, যদি কোনো ডিভাইস (প্রযুক্তি) পাওয়া যায়, যার মাধ্যমে ইংরেজিতে রায় ঘোষণা করলে তা বাংলা ভাষায় রূপান্তরিত হয়ে কম্পিউটারে প্রিন্ট দেওয়া যাবে, তাহলে আমরা দ্রুত বাংলায় রায়

দিতে পারব। বিশ্বে এ ধরণের কোনো প্রযুক্তি আছে কিনা তা খুঁজে দেখা হচ্ছে। গতকাল ২১ ফেব্রুয়ারি মঙ্গলবার মহান শহীদ দিবস ও আন্তর্জাতিক মাতৃভাষা দিবস উপলক্ষে কেন্দ্রীয় শহীদ মিনারে ফুল দিয়ে শ্রদ্ধা নিবেদন শেষে এক প্রশ্নের জবাবে তিনি এসব কথা বলেন। সূত্র-ইত্তেফাক (পৃ.১,ক.৮), জনকণ্ঠ (পৃ.১,ক.৮), ইন্ডিপেনডেন্ট (পৃ.১,ক.৫), এশিয়ান এজ (পৃ.১,ক.১)।

=৩=

৭। সীমান্তে হত্যায় উদ্বেগ বিজিবি : ঢাকায় বিজিবি-বিএসএফ মহাপরিচালক পর্যায়ের বৈঠক সমাপ্ত

ঢাকায় অনুষ্ঠিত বিজিবি-বিএসএফ মহাপরিচালক পর্যায়ের ৪৪তম সীমান্ত সম্মেলনে দুই মহাপরিচালকই উদ্বেগ প্রকাশ করেছেন। সীমান্তে বিএসএফ কর্তৃক বাংলাদেশি নাগরিকদের হত্যার ঘটনায় উদ্বেগ প্রকাশ করেছেন বিজিবি মহাপরিচালক মেজর জেনারেল আবুল হোসেন। অন্যদিকে সীমান্তে অপরাধীদের দ্বারা বিএসএফ সদস্যদের ওপর আক্রমণের ঘটনা উদ্বেগজনক হারে বেড়েছে বলে দাবি করেন বিএসএফ মহাপরিচালক কে কে শর্মা। ১৮ ফেব্রুয়ারি শুরু হওয়া এই সম্মেলন গতকাল ২১ ফেব্রুয়ারি মঙ্গলবার শেষ হয়েছে। সূত্র-সমকাল (শেষ পৃ.,ক.১), প্রথম আলো (শেষ পৃ.,ক.৬), ইন্ডিপেনডেন্ট (পৃ.১,ক.১), এশিয়ান এজ (শেষ পৃ.,ক.৪)।

৮। কক্সবাজারে রোহিঙ্গা ক্যাম্প পরিদর্শনে জাতিসংঘের বিশেষ দূত

কক্সবাজারে উখিয়ার রোহিঙ্গা ক্যাম্প পরিদর্শন করেছেন জাতিসংঘের মানবাধিকার বিষয়ক সংস্থার বিশেষ দূত ইয়াংহিল। তিনি গতকাল ২১ ফেব্রুয়ারি মঙ্গলবার উখিয়ার বালুখালি বন বিভাগের জায়গায় নতুন করে গড়ে ওঠা রোহিঙ্গা ক্যাম্পে যান। মিয়ানমার থেকে নতুন করে আসা রোহিঙ্গাদের সঙ্গে আলাপ করেন। এ সময় তিনি ক্যাম্প এলাকা ঘুরে দেখেন। পরে কক্সবাজার জেলা প্রশাসকের সঙ্গে সৌজন্য সাক্ষাত করেন। এ সময় আইওএমসহ আন্তর্জাতিক সংস্থার কর্মকর্তারা তার সঙ্গে ছিলেন। সূত্র-জনকণ্ঠ (শেষ পৃ.,ক.১), ইত্তেফাক (পৃ.১,ক.৪), এশিয়ান এজ (শেষ পৃ.,ক.৮), ডেইলি স্টার (শেষ পৃ.,ক.১)।

৯। বেনাপোল নোম্যানসল্যাণ্ডে দুই বাংলার হাজারো ভাষাপ্রেমীর মিলনমেলা

আন্তর্জাতিক মাতৃভাষা দিবসে ভাষার টানে গতকাল ২১ ফেব্রুয়ারি মঙ্গলবার সকালে দুই বাংলার হাজার হাজার বাংলা ভাষাপ্রেমী মানুষ মিলেমিশে একাকার হয়ে যায় বেনাপোল চেকপোস্ট নোম্যানসল্যাণ্ড এলাকায়। ভৌগোলিক সীমারেখা ভুলে কেবলমাত্র ভাষার টানে গতকাল ২১ ফেব্রুয়ারি মঙ্গলবার সকালে সীমান্তের কাঁটাতারের বেড়া উপেক্ষা করে দলে দলে মানুষ যোগ দেন একুশের মিলনমেলায়। আমরা ভাইয়ের রক্তে রাঙানো একুশে ফেব্রুয়ারি আমি কি ভুলতে পারি-এই স্লোগান নিয়ে ভাষা শহীদদের প্রতি শ্রদ্ধায় মাথা নত করতে বাংলাদেশের বাঙালীদের সঙ্গে মিলিত হয়েছিলেন পশ্চিমবঙ্গের বাঙালিরাও। দুই বাংলার মানুষ, রাজনৈতিক, সামাজিক, ব্যবসায়িক ও সংস্কৃতিক দল এবং সরকারের প্রতিনিধিরাও বেনাপোল-পেট্রোপোল সীমান্তের নোম্যানস ল্যাণ্ডে অস্থায়ী শহীদ বেদিতে ফুল দিয়ে শ্রদ্ধা জানান। বেনাপোল পৌরসভা ও বনগাঁ পৌরসভা এ মিলনমেলার আয়োজন করে। সূত্র-জনকণ্ঠ (পৃ.১,ক.২), সংবাদ (পৃ.১,ক.৩), ডেইলি স্টার (পৃ.২,ক.১), অবজারভার (পৃ.১,ক.১)।

১০। চামড়াজাত পণ্যের রপ্তানি বাড়ছে : সাতমাসে প্রবৃদ্ধি ১২ দশমিক ১৮ শতাংশ

রপ্তানিতে ইতিবাচক ধারায় ফিরছে চামড়া ও চামড়াজাত পণ্য। চলতি অর্থবছরের (২০১৬-১৭) জুলাই থেকে জানুয়ারি পর্যন্ত এই সাত মাস সময়ে ৬৯ কোটি ৩৮ লাখ ডলার লক্ষ্যমাত্রার বিপরীতের রপ্তানি হয়েছে ৭৪ কোটি ৩৮ লাখ ডলারে। এ হিসেবে লক্ষ্য মাত্রার চেয়ে ৭ দশমিক ১৯ শতাংশ আয় বেশি হয়েছে চামড়া ও চামড়াজাত পণ্য রপ্তানিতে। গত অর্থবছরে একই সময়ে চামড়া ও চামড়াজাত পণ্য রপ্তানিতে আয় হয়েছিল ৬৬ কোটি ৩০ লাখ ডলার। এ খাতে সাত মাসে প্রবৃদ্ধি হয়েছে ১২ দশমিক ১৮ শতাংশ। সরকারি প্রতিষ্ঠান রপ্তানি উন্নয়ন ব্যুরো (ইপিবি) সূত্রে এসব তথ্য জানা গেছে। সূত্র-ইত্তেফাক (পৃ.১৮,ক.৬)।

সম্পাদকীয়

ক. ইত্তেফাক : ঢাকা মেডিকেল কলেজ হাসপাতালের গেটের উল্টা দিকে মিডিকেল বর্জ্যের স্তুপ থাকার বিষয় তুলে ধরে জনস্বাস্থ্যের জন্য হুমকিস্বরূপ সকল বর্জ্য ব্যবস্থাপনায় আধুনিক প্রযুক্তির ব্যবহার আর আইনের

- কঠোর প্রয়োগের ওপর গুরুত্বারোপ।
- খ. **সংবাদ** : ফেসবুকের মাধ্যমে দ্রুত নাগরিক সেবা প্রদানে পাবনা জেলা প্রশাসনের নেওয়া উদ্যোগটি প্রশংসনীয় বলে উল্লেখ করে অন্যান্য জেলা প্রশাসনকেও এ উদ্যোগটি অনুসরণ করার আহ্বান।
- গ. **জনকণ্ঠ** : দেশের প্রতিটি শিক্ষা প্রতিষ্ঠানে শহীদ মিনার স্থাপনের পাশাপাশি স্থাপিত শহীদ মিনারগুলো সংরক্ষণের উদ্যোগ নেওয়ার সুপারিশ।
- ঘ. **প্রথম আলো** : মহান একুশের ভাষা আন্দোলনের স্মৃতি বিজড়িত ঐতিহাসিক আমতলা সংরক্ষণে সংস্কৃতিমন্ত্রীর আশ্বাসের যথাযথ বাস্তবায়নের প্রত্যাশা।
- ঙ. **যুগান্তর** : বাংলাদেশ বিমানের বিদেশে বন্ধ হতে যাওয়া সাত অফিসে অনলাইন কার্যক্রম চালু রাখার পাশাপাশি নতুন নতুন রুট তৈরি করে কীভাবে বিমানকে লাভজনক করা যায় সংশ্লিষ্টদের সে বিষয়ে সচেষ্ট হওয়ার আহ্বান।

=8=

- চ. **যায়যায়দিন** : নারী উদ্যোক্তরা যদি মিরসরাই অর্থনৈতিক অঞ্চলে আলাদাভাবে ১০০ একর জমি পায় তাহলে নারীর অর্থনৈতিক স্বাধীনতা আরও সুদৃঢ় হওয়ার পাশাপাশি তাদের কাজের পরিধিও বেড়ে যাবে বলে প্রত্যাশা।
- ছ. **ইন্ডিপেনডেন্ট, ডেইলি সান** : প্রাণীকল্যাণ আইন ২০১৬ মন্ত্রিসভায় অনুমোদন হওয়ায় বন্য ও গৃহপালিত প্রাণী ও পরিযায়ী পাখি সুরক্ষায় এ নতুন কল্যাণ বিলের কঠোর বাস্তবায়নের সুপারিশ।
- জ. **ডেইলি সান** : বাংলা একাডেমি প্রমিত বাংলা বানান ব্যবহারে অনেক নিয়ম প্রবর্তন করলেও প্রচলিত বইয়ের অনেক সাধারণ বাংলা শব্দ, বিলবোর্ড, সাইনবোর্ড এবং রাজনৈতিক দলের পোস্টার-ব্যানারে ভুল বানান থাকায় এ বিষয়ে সংশ্লিষ্ট সবাইকে বাংলা একাডেমির নির্দেশিত বানান অনুসরণ করার আহ্বান।
- ঝ. **ডেইলি স্টার** : বাসে উঠা-নামার সময় অনেক দুর্ঘটনা ঘটায় যাত্রী সাধারণের নিরাপত্তায় আইনভঙ্গকারী বাসচালক ও কন্ডাক্টরদের বিরুদ্ধে কঠোর শাস্তিমূলক ব্যবস্থা নেওয়াসহ জনসাধারণকে ট্রাফিক আইন মেনে চলতে সচেতন করে তোলার ব্যবস্থা করার সুপারিশ করে সম্পাদকীয় প্রকাশ করেছে।

#### উপ-সম্পাদকীয়

সমকাল পত্রিকায় প্রকাশিত কলামে মাতৃভাষায় সকলের শিক্ষা এবং অনেকের অন্তত একটি আন্তর্জাতিক ভাষা ভালোভাবে শিক্ষা করা দরকার। তাহলে বাঙালিদের মাতৃভাষা ও ইংরেজি ভাষা নিয়ে কার্যত একটি সভ্য 'দ্বিভাষিক জাতি' হয়ে ওঠার সম্ভাবনা আছে বলে উল্লেখ করা হয়েছে।

#### নিবন্ধ ও ফিচার

সংবাদ পত্রিকায় প্রকাশিত 'মৃৎশিল্পের সোনালি দিন ফিরিয়ে আনতে হবে' শিরোনামের নিবন্ধে খন্দকার রাহাত মাহমুদ সঠিক পৃষ্ঠপোষকতা পেলে রঙানি পণ্য হিসেবে মৃৎশিল্প বিশেষ স্থান করে নিতে পারে। সেজন্য বিলুপ্ত প্রায় এই শিল্প যেন ধ্বংসের দিকে ধাবিত না হয় সংশ্লিষ্ট সবাইকে সেদিকে নজর দিতে হবে বলে অভিমত প্রকাশ করেছেন।

#

ডালিয়া/মরজিনা/রশীদ/তানিয়া/২০১৭/৯.০০ ঘণ্টা